

Fiqh Sabahi: ramuan, resipi dan resapan

ABSTRACT

Firman Allah SWT: "Inilah ayat-ayat kitab [al-Quran] yang mengandungi hikmah dan kebenaran yang tetap kukuh. Menjadi hidayah dan rahmat bagi orang yang mengerjakan amalan kebaikan" (Luqman: 2-3). Apakah Fiqh Sabahi? Fiqh Sabahi ialah kefahaman mengenai Sabah yang dicerapi berlunaskan perspektif kesabahan demi kemaslahatan rakyat dan negeri Sabah. Menerusi kertas ini, Fiqh Sabahi lebih merupakan wacana keintelektualan berbanding wacana keagamaan (Islam). Justeru, memahami Fiqh Sabahi daripada gatra pemikiran rasional lebih diutamakan kerana perspektif ini dapat membebaskan pemikiran pembaca budiman daripada belitan egoisme keagamaan. Gagasan Fiqh Sabahi merupakan idea progresif dan moderatif cetusan Sahibus Samahah Datuk Bungsu @ Aziz Jaafar, Mufti Kerajaan Negeri Sabah melalui lontaran siri ucap utama beliau semasa menghadiri jempunan dalam pelbagai majlis, seminar dan wacana. Setelah menekuninya, penulis terpanggil untuk mengangkat gagasan ini sebagai sumbangsih penting terhadap pembangunan holistik, progresif dan dinamik di Sabah. Dalam negeri yang majmuk (etnik, agama dan budaya) inilah, Fiqh Sabahi lebih diperlukan dan perlu diutamakan. Lantas, gagasan Fiqh Sabahi sewajarnya dimercukan sebagai matan penyelidikan ilmiah serta model kesejahteraan dan kesemakmuran Sabah.